

homines tanta præditos auctoritate cadere potuissent. Ergo si nominum & rerum proprietati attēdemus, ea demum illiberalis ars dicetur, non quæ vel instrumentorum foeditate, vel obiecti turpitudine, vel actionis difficultate, quæuis vel leuissimum delicatorum Sybaritarum obtutum offendere posset. Foeditatem omnem nos homines, è terræ puluere coagmentati, nostris corporibus circumferimus, & nil nisi cœnum resipimus, nequaquam principiorum nostrorum conditione, vel meliores, vel nobiliores. Si ergo miserrimo corporis ergastulo inclusi, neutiquam vel illiberales vel ignobiles videri volumus, an si circa nostræ conditionis obiectum aliquod occupabimur, illiberale quippiam tractare dicemur? Finis spectandus est, qui nobilitat actionem omnem & liberalem efficit, si liberalis fuerit: illiberalem, si secus. Quanquam igitur non imus inficias, si quæ sint artes circa externorum quorundam manualem operationem occupatæ, eas mechanicas vocari, at nequaquam feruas, fordidas, illiberales, nî vilis lucelli caus-